

կը շարժի տեղէն, և երբ կը հասնին երկրորդ գիշերօթի տեղը, այլազգի խումբը՝ որ աղայի մի հրամանատարութեամբ՝ Հայոց հետ կ'երթար, համաձայն Վամենիցի փաշային կարգադրութեան, կը հրաժարի մերոնցմէ. այլ այդ հրաժարականը մեծագին կը լինի մերոց. զի 'ի նշան շնորհակալութեան՝ ոսկւոյ մեծ քսակ մի պարգև կու տան աղային. ապա թէ ոչ՝ այդ աղային պաշտպանութիւնն աւելի ծանրագնի կը լինէր նոցա:

Հայք իրենք իրենց մնալով՝ ազատ այլազգի պաշտպանէ, համարձակ կը լինին պաշտելու իրենց Տիրամայրը. գիշերները՝ խուլ և անմարդի ճանապարհէ դուրս տեղուանք կը զարնեն իրենց բանակը. իրենցմէ պահապաններ կը դնեն բանակին շորս պտոյտը. 'ի բանակամիջին՝ պարսիկ կապերուներով հովանաւորեալ սայլին վրայ է Տիրամօր Հրաշագործ պատկերն, պաշտպան պանդուխտ Հայերուն: Փոխան հրաբորբոք ջահերու՝ փոքրիկ կանթեղ մի կը պըլպըլայ Պատկերին դիմաց, ազօտ լոյս ձգելով Տիրամօր թուխ դէմքին վրայ: Այդ շարժական վրանաձև տաճարին մէջ, ամէն օր պաշտամունք կը կատարուին. թերևս և ոչ մի փառաւոր տաճարի մէջ այնպիսի ջերմաջերմ պաշտանօք չեն դիմած հաւատացեալք առ Աստուած. ինչպէս այս աղքատին խորանին դիմաց: Երեկոյեան ժամասացութենէն վերջը վանազուրկ և տխրատեսիլ մայրապետք ծուր դրած պատկերին առաջ՝ իրենց առանձին մրմունջը կը հեղուն յունկն Տիրամօր. քաղցր էր նոցա համար այն Աստուածամօր առաջ Անկեալ դիրքը. Անկանիւք առաջի Քոյ Աստուածածին, սրտաճմլիկ և խուլ ձայնով կը կրկնէին նոքա. չէր կրնար Հրաշագործ Տիրամայրն անլսող լինել